



古今醫案按卷第七

吳江李齡壽辛垞重較輯

嘉善俞震東扶纂輯

男念祖永修校字

得璜礪溪

孫男掌明罔若仝較

賂南貯賢

頭痛

羅謙甫治柏參謀六十一歲初患頭昏悶微痛醫作傷寒治汗後其痛彌篤再汗之不堪其痛矣易醫用藥大都相近甚至痛不能臥且惡風寒不喜飲食羅診之六脉弦細而微氣

短促。懶言語。內經云。春氣者。病在頭。今年高氣弱。清氣不能上升。頭面故昏悶耳。且此證本無表邪。汗之過多。則清陽之氣愈虧。不能上榮。亦不得外固。所以頭痛楚而惡風寒。氣短弱而憎飲食。以黃芪一錢五分。人參一錢。炙甘草七分。白朮陳皮歸芍各五分。升柴各三分。細辛川芎蔓荊子各二分。名之曰順氣和中湯。食後進之一飲。而病減。再飲而病卻。

戴人治一婦。頭偏痛五七年。大便燥結。雙目赤腫。眩暈。凡療頭風之藥。靡所不試。且頭受針灸無數。戴人診之。急數而有。力風熱之甚也。此頭角痛。是三焦相火之經。乃陽明燥金勝也。燥金勝。乘肝則肝氣鬱。肝氣鬱則氣血壅。氣血壅則上下。

不通故燥結於中尋至失明以大承氣湯倍加芒硝下泄二十餘行次服七宣丸神功丸以潤之目豁首輕燥澤結釋而愈

薛立齋治劉尙寶怒則太陽作痛用小柴胡加茯苓山梔以清肝火更用六味以生腎水遂不復作

李士材治少宰蔣恬菴頭痛如破昏重不寧風藥血藥痰藥久治無功李曰尺微寸滑腎虛水泛爲痰也地黃四錢山藥丹皮澤瀉各一錢茯苓三錢沉香八分日服四貼兩日輒減六七更以七味丸入參湯送五日其痛若失

孫東宿治蔡樂門令眷頭痛如破髮根稍動則痛延滿頭暈

倒不省人事。踰半時乃甦。徧身亦作疼。胸膈飽悶。飲湯水停膈。間不下。先一日吐清水數次。蛔蟲三條。原爲怒起。今或惡風。或惡熱。口或渴。或不渴。大便秘。脉則六部皆滑。大有力。孫曰。此痰厥頭痛證也。先以藿香正氣散止其吐。繼以牛黃丸。黑虎丹清其人事。頭仍疼甚。又以天麻藁本各三錢。半夏二錢。麻黃薄荷白芷陳皮生薑葱白煎服。得少汗而頭痛少止。至晚再服之。五更痛止大半。而人事未全清。孫謂此中焦痰盛。非下不可。乃用半夏五錢。巴霜一分。麵糊丸。每服三十丸。生薑湯送下。午後大便行三次。皆稠粘痰積也。由此飲食少進。餘證差可。惟徧身仍略疼。改用二陳湯加前胡藁本薄荷。

黃芩石膏枳殼石菖蒲調理而安

僧慎柔治一貴介年三旬先因齒痛用石膏三錢煎服頃卽滿頭皆腫痛牙齦上腭腫勢尤甚天明稍退蓋得陽氣故也診之右關細澁左關洪左尺亦澁慎柔謂須納氣下達方得脉和定方名羌活散火湯羌活酒炒五分防風三分酒連一分酒芩二分白茯苓一錢人參二錢甘草五分半夏一錢破故紙一錢枸杞子一錢二劑其細澁脉卽粗大是陽氣下行矣頭痛稍止可見前頭痛是下焦無陽陰火上衝服至八劑頭痛全止齒根腫猶未退脉則益和曰將愈矣此陽氣已至恙所果四五日後出膿少許而瘳

震

按羅案是氣虛頭痛、張案是積熱頭痛、薛案是肝火頭痛、李案是腎虛頭痛、孫案是痰厥頭痛、僧案是陽升不降頭痛、六種之外、又有因風痛者、抽掣惡風、鼻塞眼脹、因寒痛者、惡寒戰慄、面慘肢冷、因溼痛者、頭痛且重、天陰轉甚、或四肢疼重、面目浮腫、此皆外因也、內因則氣虛之外、血虛更多、積痰之外、積食亦有、丹溪云、肥人頭痛多是溼痰、瘦人頭痛多是血虛有火、斯誠要言、然因雖數端、靡不兼風、無風入只作眩不作痛也、故古方中川芎茶調散、大追風散、頗易取效、痛久則成頭風、其方更繁、不能縷述、真頭痛乃死證、外灸百會穴、內進參附湯、黑錫丹、或冀挽回、實

未試驗尋常頭痛亦有死者高陽生云頭痛短瀋應須死  
生平曾見之矣頭與腹俱痛有五證臭毒傷酒傷溼不伏  
水土瘡毒入腹也有頭痛止則腹痛腹痛止則頭痛此屬  
脾陰虛胃火隨氣上下芎歸芍藥木香香附黃連葱白又  
有頭痛諸藥不效其痛更甚者或因督脉爲病宜用茸硃  
丹次則香茸八味丸復有雷頭風另是一項乃內鬱痰火  
外束風熱大頭風卽大頭瘟或痛或不痛或潰或自消死  
生反掌至如眉稜骨痛係足少陽風熱與痰最能傷目至  
兩耳出膿則危矣宜以濃茶一碗撲吐之次用清上藥如  
選奇湯清空膏之類婦人注目針繡往往眉骨痠痛必須

益陰養血

附

子和治一僧頭熱而痛。且畏明。以布圍其頂上。置冰於其中。日數易之。此三陽畜熱故也。復灼炭火於暖室。出汗。涌吐。三法併行。七日而瘥。

一人稚年氣弱。於氣海三里穴時灸之。及長。成熱厥頭痛。雖嚴冬喜朔風吹之。其患輒止。少處煖及近烟火。其痛卽作。此灸之故也。東垣治以清上瀉火湯。尋愈。

一室女近窗做女工。忽患頭疼甚。諸藥不效。一醫徐察之。窗外畜鷺。知爲鷺虱飛入耳內。咬而痛也。以稻桿煎濃汁灌之。虱死而出。遂不痛。

一人患頭風自頤下左右有如兩蚯蚓徐行入耳復從耳左右分上頂左過右右過左頂上起疙瘡二塊如猪腰然前後腦如鼓聲鑿鑿然冷痛甚須重綿帕裹包疼甚四肢俱不爲用醫效罔奏後得一方用四物各一錢阜角刺一錢草薺四兩猪肉四兩水煎去藥渣將汁同肉食之服至二十劑減十之三四十劑減十之六百劑乃安江氏曰此非頭風也其人曾患癰瘡頭塊墳起皆輕粉結毒故草薺爲君四物養血阜刺爲引其毒深故多服取效也

震按草薺當是土茯苓廣筆記治癰瘡頭痛方更佳但治病必以脉爲憑丹方有效有不效且錄之不勝錄右四條

雖不載脉。然證頗疑難。法殊整暇。定當入選。他如江篁南治從嬌。以補中益氣加川芎細辛蔓荊子。翟文炳治陸母。先與抑青丸。繼以補中益氣二條。祇叙見證。未可摹倣。且陸母證甚繁雜。抑青丸一服而愈。其然豈其然乎。又南唐書載其相馮延巳。苦腦中痛累日不減。太醫令吳延紹密詰廚人曰。相公平日嗜何等物。對曰。多食山雞鷓鴣。延紹曰。吾得之矣。投以甘豆湯而愈。蓋山雞鷓鴣皆食烏頭半夏。故以此解其毒。震按此與名醫錄所載王夫人面上忽生黑斑點。日久滿面皆黑。識者云。病因日食斑鳩。而斑鳩嘗食半夏苗。故中其毒。乃用生薑一斤搗汁。將滓焙乾。

卻用薑汁煮糊丸服一月愈其博物同而用藥之辛甘溫平不同矣

船中蓋有瘴癘故服一日驗其脈仍同而用藥之藥廿服

平不同矣

心脾痛

羅謙甫治江淮漕運使崔君長子年二十五體豐肥奉養膏粱時有熱證因食涼物服寒藥至元庚辰秋久瘧不愈醫用砒霜截藥新汲水送下禁食熱物瘧不止反加吐利腹痛腸鳴時復胃脘當心而痛屢醫罔效延至次年四月因勞役煩惱前證大作羅診之脉弦細而微手足稍冷面色青黃不澤情思不樂惡煩冗食少微飽則心下痞悶嘔吐酸水發作疼痛冷汗時出氣促悶亂不安須人額相抵而坐內經云上氣不足頭爲之苦傾中氣不足溲便爲之變腸爲之苦鳴下氣不足則爲痿厥心愧又曰寒氣客於腸胃之間則卒然而痛

得灸乃已。灸者熱也。非甘辛大熱之劑。則不能愈。爲製扶陽助胃湯。炮乾薑一錢五分。人參草豆蔻炙草官桂白芍各一錢。陳皮白朮吳茱萸益智各五分。炮熟附子二錢。薑棗煎服。三貼。大勢皆去。痛減過半。至秋先灸中脘三七壯。以助胃氣。次灸氣海百餘壯。生發元氣。滋榮百脉。以還少丹服之。則善飲食。添肌肉。明年春灸三里二七壯。乃胃之合穴也。亦助胃氣。又引氣下行。春以芳香助脾。育氣湯加白檀香。戒以懲忿窒慾。慎言節食。一年而平復。

滑伯仁治一婦人。盛暑洞泄。厥逆惡寒。胃脘當心而痛。自腹引脇。轉爲滯下。嘔噦不食。醫以中暑霍亂療之。益劇。脉三部

俱微短沉弱。不應呼吸。曰此陰寒極矣。不亟溫之。則無生理。內經雖曰用熱遠熱。又曰有假其氣。則無禁也。於是以薑附溫藥服之七日。諸證悉去。再以丸藥除其滯下而安。

丹溪治一人。以酒飲牛乳。患心疼。年久。飲食無礙。雖盛暑。飲食身無汗。醫多以丁附治之。羸弱食減。每痛以物拄之。脉遲弱。弦而濇。大便或祕結。或泄。又苦吞酸。時七月以二陳湯加芩連白朮桃仁。郁李仁。澤瀉。每旦服之。屢涌出黑水。若爛木耳者。服至二百餘貼。脉濇漸退。至數漸添。純弦而漸充滿。時冬暖。意其欲汗。而血氣未充。以參芪歸芍陳皮半夏甘草服之。痛緩。每旦夕一二作。乃與麻黃蒼朮芎歸甘草等藥。纔下。

咽忽暈厥須臾而甦。大汗痛止。

一婦春末心脾疼。自言腹脹滿。手足寒過肘膝。須綿裹火烘。胸畏熱。喜掀露風涼。脉沉細濇。稍重則絕。輕似弦而短。渴喜熱飲。不食。以草豆蔻丸三倍加黃連滑石神麴爲丸。白朮爲君。茯苓爲佐。陳皮爲使。作湯下百丸。服至二觔而愈。

震

按二條脉象俱似虛寒。而丹溪以溼熱治者。上條屢服熱藥不效。且年久飲食無礙。大便或祕或泄。知其爲停飲也。此條以胸前畏熱喜涼。及脉沉細濇爲據。所謂稍重則絕者。以細濇故也。與濶大而軟之爲虛寒不同矣。故加黃連滑石。徧觀丹溪案。凡脉弦細濇者。俱不用溫藥。想其閱